

Adroddiad i'r: Cyngor Llawn

Dyddiad y Cyfarfod: 10 Mehefin 2014

Aelod / Swyddog Arweiniol: Y Cyngorydd Huw Irving, Aelod Arweiniol

Awdur yr Adroddiad: Sarah Lamberton, Rheolwr Prosiect, Cynhwysiant Ariannol Gyda'n Gilydd

Teitl: Gwneud cynhwysiant ariannol yn berthnasol bawb - cyflwyniad i Brosiect Cynhwysiant Ariannol Gyda'n Gilydd

1. Am beth mae'r adroddiad yn sôn?

Mae Cynhwysiant Ariannol Gyda'n Gilydd yn Brosiect gan Fwrdd Gwasanaethau Lleol Conwy a Sir Ddinbych a gaiff ei ariannu drwy Gronfa Gymdeithasol Ewrop. Bydd yr adroddiad hwn yn rhoi trosolwg o'r prosiect ac yn archwilio sut y gall Cyngorwyr gael budd o gymryd rhan yn y prosiect.

2. Beth yw'r rheswm dros lunio'r adroddiad hwn?

Darparu gwybodaeth am y prosiect Cynhwysiant Ariannol Gyda'n Gilydd ac annog aelodau'r Cyngor i gymryd rhan yn un o'i sesiynau codi ymwybyddiaeth o gynhwysiant ariannol, fel eu bod yn eu tro yn gallu rhoi mwy o gymorth i etholwyr lleol.

3. Beth yw'r Argymhellion?

Nodi'r adroddiad.

4. Manylion yr adroddiad.

Cefnogir y Prosiect hwn gan Gronfa Gymdeithasol Ewropeaidd trwy Lywodraeth Cymru. Mae'r prosiect yn ceisio mynd i'r afael â thlodi drwy ddatblygu, cydlynu a hybu gwasanaethau cynhwysiant ariannol o fewn sefydliadau Bwrdd Gwasanaethau Lleol Conwy a Sir Ddinbych.

Beth yw cynhwysiant ariannol?

Mae'n ymwneud â sicrhau bod pawb yn cael cyfle i gael y cyngor, y gwasanaethau a'r nwyddau ariannol y mae eu hangen i gymryd rhan lawn mewn cymdeithas. Mae Llywodraeth Cymru wedi nodi 5 thema allweddol:

- Mynediad i wasanaethau ariannol prif ffrwd
- Gallu ariannol (gan gynnwys cynhwysiad digidol)
- Cyngor o fewn cyrraedd am arian a dyledion
- Cynyddu incwm (gan gynnwys effeithlonrwydd ynni)
- Mynediad i gredyd a benthyciadau fforddiadwy

Amcanion y Prosiect

- Gwella'r cyd-drefnu a chydweithio strategol o ran gwasanaethau ar draws Conwy a Sir Ddinbych i sicrhau bod cynhwysiant ariannol yn cael ei integreiddio a'i ymgorffori yn y dull arferol o gyflwyno gwasanaethau gan sefydliadau perthnasol yn y sector cyhoeddus, y sector preifat a'r trydydd sector.
- Gwella mynediad i wasanaethau gwybodaeth a chyngor o safon am gynhwysiant ariannol a fydd yn sicrhau bod pobl yng Nghonwy a Sir Ddinbych yn cael eu grymuso i reoli dyfodol economaidd heriol.

Beth mae'r prosiect yn ei wneud

Un o amcanion allweddol y prosiect yw darparu o leiaf 1000 o weithwyr rheng flaen mewn sefydliadau partner y BGLI â'r wybodaeth a'r adnoddau cynhwysiant ariannol angenrheidiol i rymuso pobl y maent yn dod i gysylltiad â nhw i gael eu cynnwys yn ariannol.

Er mwyn gwneud hyn, mae prosiect Cynhwysiant Ariannol Gyda'n Gilydd yn cyflwyno sesiynau codi ymwybyddiaeth i unrhyw un sy'n gweithio yn y rheng flaen a allai helpu i ddarparu gwybodaeth am gynhwysiant ariannol, neu wneud atgyfeiriadau o safon ar gyfer cyngor manwl yn ymwneud â chynhwysiant ariannol.

Mae'r prosiect hefyd yn adeiladu etifeddiaeth o gamau gweithredu o fewn sefydliadau partner BGLI a fydd yn parhau i ymgorffori arfer cynhwysiant ariannol pan fydd y prosiect wedi dod i ben (ym mis Rhagfyr 2014).

Sut y gall Cynghorwyr elwa o gymryd rhan yn y prosiect a mynychu un o'r sesiynau codi ymwybyddiaeth?

- Mae Atodiad 1 yn rhoi trosolwg o'r canlyniadau dysgu ac amcanion y gall cyfranogwyr ddisgwyl eu cyflawni o fynychu sesiwn codi ymwybyddiaeth.
- Mae Atodiad 2 yn rhoi manylion am ddyddiadau sesiynau sydd ar gael a sut i archebu lle.

5. Sut mae'r penderfyniad yn cyfrannu at y Blaenoriaethau Corfforaethol?

Mae hwn yn brosiect ataliol sy'n anelu at fynd i'r afael â thlodi yn y gymuned; mae'n helpu staff rheng flaen i helpu pobl i reoli yn well mewn hinsawdd economaidd heriol.

6. Faint fydd hyn yn ei gostio a sut bydd yn effeithio ar wasanaethau eraill?

Gan fod y prosiect yn cael ei ariannu drwy Gronfa Gymdeithasol Ewrop, nid oes unrhyw gost i'r Cyngor.

7. Beth yw'r prif gasgliadau o'r Asesiad o'r Effaith ar Gydraddoldeb (EqIA) a gynhaliwyd ar y penderfyniad? Dylid cynnwys yr Asesiad o Effaith ar Gydraddoldeb a gwblhawyd fel atodiad i'r adroddiad.

Mae'r Asesiad o Effaith ar Gydraddoldeb ar gyfer sesiynau codi ymwybyddiaeth y prosiect Cynhwysiant Ariannol Gyda'n Gilydd ynghlwm fel Atodiad 3. Nid oes unrhyw benderfyniadau yn cael eu gwneud yn yr adroddiad hwn sy'n gofyn am gasgliadau o'r Asesiad o Effaith ar Gydraddoldeb.

8. Pa ymgynghori a wnaed gyda'r Pwyllgorau Archwilio ac eraill?

Dim angen.

9. Datganiad y Prif Swyddog Cyllid

Dim angen.

10. Pa risgiau sy'n bodoli ac a oes unrhyw beth y gallwn ei wneud i'w lleihau?

Amherthnasol.

11. Pŵer i wneud y Penderfyniad

Dim angen penderfyniad.